

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo privrede



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство привреде

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Economy

Tuzla, Maršala Tita do br.34, Lamela „B“ II i III sprat, tel.: +387 35 369-327 fax.: +387 35 369-332 e-mail: mp@tk.kim.ba web: vladatk.gov.ba, strategijarazvoja.tk.gov.ba

SMJERNICE ZA PODNOSIOCE PRIJAVA

za

JAVNI POZIV

za dostavljanje prijava za odabir korisnika grant sredstava sa pozicije
„Podrška razvoju Kantona“ za 2023. godinu

za

"Kapitalni transferi mikro, malim i srednjim privrednim subjektima (MMSP) za nabavku opreme i alata"

Tuzla, oktobar 2023. godine

Namjena sredstava

Nepovratna sredstva mogu se koristiti za finasiranje ili sufinasiranje nabavke **nove opreme i novih alata**. Oprema i alati koji se nabavljaju moraju biti namijenjeni djelatnosti koju MMSP obavlja.

Korisnici sredstava

Korisnici sredstava su mikro, mali i srednji privredni subjekti klasifikovani po broju zaposlenih u skladu sa Zakonom o poticaju razvoja male privrede („Službene novine FBiH“, br. 19/06 i 25/09) i Zakonom o privrednim društvima FBiH („Službene novine Federacije BiH“, br. 81/15 i 75/21), a koji su u većinskom privatnom vlasništvu sa sjedištem na području Tuzlanskog kantona.

Prema veličini, u smislu Zakona o poticaju razvoja male privrede, razlikuju se mikro, mali i srednji subjekti male privrede, pri čemu:

- Mikro subjekti male privrede su fizička i pravna lica koja upošljavaju prosječno godišnje manje od 10 lica (od 1 do 9),
- Mali subjekti male privrede su fizička i pravna lica koja upošljavaju prosječno godišnje manje od 50 lica (od 10 do 49) i
- Srednji subjekti male privrede su fizička i pravna lica koja upošljavaju prosječno godišnje manje od 250 lica (od 50 do 249).

Uslovi za dodjelu sredstava

Uslovi koje korisnici moraju ispuniti za dodjelu sredstava su da:

- registrovana djelatnost ne spada u oblast trgovine (izuzev grane 45.2 - Održavanje i popravak motornih vozila), turizma, ugostiteljstva, prevoza stvari, roba i putnika (izuzev grane 52.1 Skladištenje robe), granu 85.53 Djelatnosti vozačkih škola, oblast 16.1 - Piljenje i blanjanje drva (proizvodnja rezane građe) impregnacija drveta (za koje je objavljen poseban projekat - Kapitalni transferi mikro, malim i srednjim privrednim subjektima (MMSP) za nabavku opreme i alata), te proizvodnju oružja i vojne opreme, proizvodnju duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i drugih igara na sreću;
- da su registrovani u skladu sa Klasifikacijom djelatnosti KDBiH 2010;
- da su registrovani do 30.06.2022. godine;
- uredno izmiruju direktne poreze, doprinose za PIO/MIO i zdravstveno osiguranje;
- uredno izmiruju indirektne poreze, ukoliko su u sistemu PDV-a;
- su ostvarili pozitivan finansijski rezultat u prethodnoj godini poslovanja (2022. godina);
- su opravdali ranije dodijeljena finansijska sredstva od strane Ministarstva;
- do sada nisu ostvarili finansijska sredstva za predloženu namjenu iz drugog izvora;
- da nisu bili korisnici sredstava Ministarstva u 2022. godini, izuzev korisnika sredstava programa subvencioniranja dijela kamatne stope privrednim subjektima sa područja Tuzlanskog kantona.

Kriteriji za izbor korisnika sredstava:

OPIS KRITERIJA		BODOVI	IZVOR VERIFIKACIJE						
1.	Vrsta djelatnosti	Prihvatljive djelatnosti iz područja B i C	5	Obavještenje o razvrstavanju pravnog lica prema klasifikaciji djelatnosti KDBiH 2010					
		Prihvatljive djelatnosti iz područja D, E i F	3						
		Prihvatljive djelatnosti iz ostalih područja	1						
2.	Broj zaposlenih osoba	Srednje	210-249	Malo	42-49	Mikro	8-9	5	Lista osiguranih lica za obveznika izdata od Poreske uprave FBiH
			170-209		34-41		6-7	4	
			130-169		26-33		4-5	3	
			90-129		18-25		2-3	2	
			50-89		10-17		1	1	
3.	Broj zaposlenih iz kategorije ranjivih lica (demobilisani borci, članovi šehidskih porodica, invalidi ¹ , osobe sa posebnim potrebama)	Srednje	30 i više	Malo	10 i više	Mikro	3 i više	3	Izdati akt od nadležne institucije kojom se dokazuje da zaposlenik pripada definisanim kategorijama ranjivih lica
			15-29		5-9		2	2	
			1-14		1-4		1	1	
4.	Broj zaposlenih žena	Srednje	30 i više	Malo	10 i više	Mikro	3 i više	3	Prijavni obrazac, Lista osiguranih lica izdata od PUFBiH, Izjava i CIPS obrasci
			15-29		5-9		2	2	
			1-14		1-4		1	1	
5.	Broj zaposlenih osoba mlađih od 35 godina	Srednje	30 i više	Malo	10 i više	Mikro	3 i više	3	Prijavni obrazac, Lista osiguranih lica izdata od PUFBiH, Izjava i CIPS obrasci
			15-29		5-9		2	2	
			1-14		1-4		1	1	
6.	Vlastito učešće u finansiranju projekta	50% i više		5	Prijavni obrazac / Izjava				
		40% – 49%		4					
		30% – 39%		3					
		20% – 29%		2					
		10% – 19%		1					
7.	Dosadašnji grant poticaji od strane Ministarstva privrede (za period 2019 - 2021. godina)	Nije bio korisnik		3	Prijavni obrazac; Baza podataka Ministarstva privrede				
		Jedan put korisnik		1					
		Dva i više puta korisnik		0					
8.	Ravnomjerniji regionalni razvoj (stepen razvijenosti JLS)	Kategorija IV i V (Čelić, Kalesija, Kladanj, Sapna, Teočak)		3	Prijavni obrazac; Rješenje o registraciji				
		Kategorija III (Banovići, Doboј Istok, Gračanica, Gradačac, Lukavac, Srebrenik, Živinice)		2					
		Kategorija II (Tuzla)		1					

¹ Lice sa invaliditetom, u smislu Zakona o profesionalnoj rehabilitaciji, osposobljavanju i zapošljavanju lica sa invaliditetom FBiH, jeste lice kod kojeg postoji tjelesno, čulno ili mentalno oštećenje koje za posljedicu ima trajnu ili privremenu, a najmanje 12 mjeseci smanjenu mogućnost rada i zadovoljavanja ličnih potreba u svakodnevnom životu.

Izbor korisnika grant sredstava vrši Komisija za odabir korisnika sredstava (u daljem tekstu: Komisija) koju imenuje ministar privrede u Vladi Tuzlanskog kantona u daljem tekstu (Ministar). Komisija na osnovu kriterija za bodovanje vrši bodovanje prispjelih prijava koje ispunjavaju uslove iz Javnog poziva.

U slučaju jednakog broja bodova prednost ima kandidat, po redoslijedu važnosti, koji je dobio više bodova po sljedećim kriterijima za bodovanje korisnika:

- a) broj zaposlenih iz kategorije ranjivih lica,
- b) broj zaposlenih žena,
- c) broj zaposlenih osoba mlađih od 35 godina.

U slučaju da i nakon provedene procedure dodatnog bodovanja korisnici imaju isti broj bodova, konačnu odluku donosi Ministar na osnovu objektivnih pokazatelja.

Komisija sačinjava Preliminarnu rang listu korisnika sredstava i Listu podnosilaca čije su prijave neblagovremene, nepotpune i neosnovane, a koje se objavljuju na web stranici Vlade Tuzlanskog kantona. Na objavljene liste svi kandidati imaju pravo prigovora koji se podnosi Ministarstvu u pisanoj formi, u roku od **sedam dana** od dana objavljivanja listi na web stranici Vlade Tuzlanskog kantona.

Nakon isteka roka za prigovor i nakon rješavanja po uložnim prigovorima, Ministar na prijedlog Komisije donosi konačnu rang listu korisnika sredstava sa pozicije „Podrška razvoju Kantona“ za 2023. godinu, koja se objavljuje na web stranici Vlade Tuzlanskog kantona: <http://www.vladatk.gov.ba/>. Na osnovu konačne rang liste korisnika sredstava Ministar donosi pojedinačne odluke o odobravanju sredstava korisnicima. Sa odabranim korisnicima Ministarstvo privrede potpisuje pojedinačne ugovore. Na osnovu pojedinačnih odluka i potpisanih ugovora doznačavaju se sredstva na transakcijski račun korisnika.

Iznos sredstava

Ukupan iznos sredstava za MSP iznosi 2.300.000,00 KM (dvamilionatristotinehiljada konvertibilnih maraka) koje se raspoređuju na sljedeći način:

- za mikro preduzeća je obezbijeđen iznos od ukupno 700.000,00 KM (slovima: sedamstotinahiljada konvertibilnih maraka),
- za mala preduzeća je obezbijeđen iznos od ukupno 1.000.000,00 KM (slovima: jedanmilijon konvertibilnih maraka)
- za srednja preduzeća je obezbijeđen iznos od ukupno 600.000,00 KM (slovima: šeststotinahiljada konvertibilnih maraka).

Sredstva za predmetne namjene dodjeljivat će se korisnicima u maksimalnom iznosu:

- za mikro preduzeća do 10.000,00 KM (slovima: desetihiljada konvertibilnih maraka),
- za mala preduzeća do 20.000,00 KM (slovima: dvadesetihiljada konvertibilnih maraka),
- za srednja preduzeća do 30.000,00 KM (slovima: tridesetihiljada konvertibilnih maraka).

Komisija će izvršiti raspodjelu sredstava u skladu sa ostvarenim bodovima podnosilaca prijava i u skladu sa raspoloživim sredstvima.

U slučaju velikog broja prijava korisnika čiji zahtjevi prelaze iznos sredstava od 2.300.000,00 KM, na prijedlog Komisije, Ministar ima pravo umanjiti maksimalni iznos sredstava za dodjelu po pojedinačnim namjenama iz ove tačke srazmjerno broju prijava koje ispunjavaju uslove Javnog poziva.

Napomena: U slučaju velikog broja prijava korisnika na jednoj kategoriji (mikro/mala/srednja preduzeća), a nedostatka na drugoj kategoriji, Ministar ima pravo izvršiti preraspodjelu ukupnih sredstava. Troškovi koji se priznaju odnose se isključivo na direktne troškove nastale realizacijom nabavke opreme i alata.

Potrebna dokumentacija

- **Prijavni obrazac** dostupan na web stranici Vlade TK;
- **Fotokopija** Rješenja o registraciji za MMSP - iz kojeg je vidljivo da je MMSP registrovan do 30.06.2022. godine;
- **Fotokopija** Aktuelnog izvoda iz sudskog registra - ne starija od 30 dana od dana objave javnog poziva;
- **Fotokopija** Uvjerenja o poreznoj registraciji – ID broj;
- **Original ili ovjerena fotokopija** Uvjerenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH ili uvjerenje po osnovu urednog izmirenja dospjelih rata po sporazumu o plaćanju duga u ratama potpisan sa Poreskom upravom Federacije BiH - ne starije od 30 dana od dana objave ovog Javnog poziva,
- **Original ili ovjerena fotokopija** Uvjerenja o urednom izmirenju indirektnih poreza, izdato od Uprave za indirektno oporezivanje ili uvjerenje po osnovu urednog izmirenja dospjelih rata po sporazumu o plaćanju duga u ratama potpisan sa Upravom za indirektno oporezivanje - ne starije od 30 dana od dana objave ovog Javnog poziva (ukoliko je u sistemu PDV-a), odnosno potpisana i ovjerena Izjava od strane podnosioca zahtjeva da podnosilac nije u sistemu PDV-a dostupna na web stranici Vlade TK uz Javni poziv;
- **Original ili ovjerena fotokopija** Liste osiguranih lica za obveznika izdata od Poreske uprave Federacije BiH ne starija od 30 dana od dana objave Javnog poziva;
- **Fotokopija** Obavještenja o razvrstavanju pravnog lica prema klasifikaciji djelatnosti KDBiH 2010;
- **Fotokopija** potvrde/uvjerenja/rješenja i drugi akti izdati od nadležnih institucija kojim se dokazuje da zaposlenik pripada definisanim kategorijama ranjivih lica;
- **Fotokopija** Bilansa uspjeha za 2022. godinu **ovjerena potpisom i pečatom podnosioca prijave;**
- **Fotokopija** predračuna sa specifikacijom troškova, izdatog od poslovnog subjekta od kojeg se planira nabaviti oprema i/ili alati;
- **Fotokopija** kartona deponovanih potpisa (spesimen) ili drugi dokaz o broju transakcijskog računa podnosioca prijave kod banke;
- **Izjava o broju uposlenih žena popunjena i potpisana od strane ovlaštenog lica i ovjerena pečatom MMSP-a** (dostupna na web stranici Vlade TK uz Javni poziv) i **fotokopija** potvrde o prebivalištu za sve uposlene žene (CIPS);
- **Izjava o broju uposlenih osoba mlađih od 35 godina popunjena i potpisana od strane ovlaštenog lica i ovjerena pečatom MMSP-a** (dostupna na web stranici Vlade TK uz Javni poziv) i **fotokopija** potvrde o prebivalištu za sve uposlene osobe mlađe od 35 godina (CIPS);

- Izjava o neosuđivanosti i nevođenju postupka po osnovu privrednog kriminala – popunjena i potpisana od strane ovlaštenog lica i ovjerena pečatom MMSP-a i ovjerena od nadležnog upravnog organa ili notara (dostupna na web stranici Vlade TK uz Javni poziv);
- Izjava o nesudjelovanju u koruptivnim radnjama – popunjena i potpisana od strane ovlaštenog lica i ovjerena pečatom MMSP-a i ovjerena od nadležnog upravnog organa ili notara (dostupna na web stranici Vlade TK uz Javni poziv);
- Izjava o primljenim de minimis pomoćima i drugim državnim pomoćima - popunjena i potpisana od strane ovlaštenog lica i ovjerena pečatom MMSP-a (dostupna na web stranici Vlade TK uz Javni poziv);
- Izjava o realizaciji projekta - popunjena i potpisana od strane ovlaštenog lica i ovjerena pečatom MMSP-a (dostupna na web stranici Vlade TK uz Javni poziv).

Navedenu dokumentaciju potrebno je priložiti uz Prijavni obrazac. Na kraju Prijavnog obrasca obavezno navesti mjesto, datum i potpis odgovorne osobe, te staviti otisak pečata MMSP-a.

Ministarstvo privrede zadržava pravo da od podnosioca prijave zatraži dodatnu dokumentaciju, kao i pravo provjere svih podataka navedenih u dostavljenoj dokumentaciji.

Način podnošenja prijave

Prijave sa odgovarajućom dokumentacijom, šalju se preporučeno poštom u zapečaćenim kovertama ili lično na adresu:

Ministarstvo privrede Tuzlanskog kantona
Pisarnica Vlade TK, Fra Grge Martića 8, 75000 Tuzla,
NE OTVARATI – Prijava po Javnom pozivu za dostavljanje prijave za odabir korisnika grant sredstava za odabir korisnika grant sredstava sa pozicije „Podrška razvoju Kantona“ za 2023. godinu
 sa napomenom:
Projekat: „Kapitalni transferi mikro, malim i srednjim privrednim subjektima (MMSP) za nabavku opreme i alata“

Na poleđini koverte obavezno navesti:

- Naziv – ime podnosioca prijave;
- adresu i kontakt telefon;
- ovjeriti pečatom podnosioca prijave.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove Javnog poziva.

Pravo učestvovanja

Korisnici poticajnih sredstava koji do krajnjeg roka dostave prijavu po ovom Javnom pozivu nisu izvršili svoje ranije preuzete obaveze po osnovu korištenja poticajnih sredstava ovog Ministarstva, nemaju pravo učestvovanja na ovom Javnom pozivu, odnosno njihove prijave se neće uzeti u razmatranje.

Podnosioci prijave mogu podnijeti **samo jednu prijavu po** Javnom pozivu. U slučaju više prijave istog podnosioca sve prijave će biti odbačene i neće biti predmet daljeg razmatranja.

Izveštavanje o utrošku sredstava

Korisnici sredstava obavezni su dodijeljena sredstva koristiti namjenski i dužni su dostaviti izvještaj na propisanom obrascu „Format izvještaja“ sa kompletnom dokumentacijom kojom se dokazuje namjenski utrošak sredstava za cijeli program, najkasnije u roku od 60 dana od dana doznake sredstava na račun korisnika.

Ministarstvo vrši nadzor namjenskog trošenja sredstava odobrenim korisnicima na osnovu dostavljenih izvještaja, a po potrebi i neposrednim uvidom kod korisnika sredstava. Za tu namjenu kao polazište se koriste valjani izvori verifikacije navedeni u samoj prijavi.

U slučaju nenamjenskog utroška sredstava, Ministarstvo pokreće postupak za vraćanje istih.

Dokumentacija koja dokazuje namjenski utrošak sredstava mora biti **u originalu ili ovjerenj kopiji (računi/fakture, fiskalni računi, izvod iz banke/uplatnice** kao dokaz o izvršenom plaćanju računa (ovjerene od strane banke), **ugovor o nabavci opreme i alata** ukoliko su zaključeni i dr.).

Korisnicima poticajnih sredstava odobrenih od strane Ministarstva će biti priznate samo uplate izvršene nakon objave Javnog poziva.

Sa podnosiocima odobrenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Broj: 03/1-11-24235-1/23
Tuzla, 02.10.2023. godine

MINISTAR

Edin Duraković, dipl. pravnik